



東坡集卷第四

詩八十八首

秋懷二首

苦熱念西風常恐來無時及茲遂淒凜又作徂年悲
蟋蟀鳴我床黃葉投我帷窓前有棲鵬夜嘯如狐狸
露冷梧葉脫孤眠無安枝熠燿亦求偶高屋飛相追
定知無幾見迫此清霜期物化逝不留我興為嗟咨
便當勤秉燭為樂戒暮遲

海風東南來吹盡三日雨空皆有餘滴似與幽人語
念我平生歡寂寞守環堵壺漿慰作勞裹飯救寒苦



今年秋應熟，過後飽雞黍。嗟我獨何求，萬里涉江浦。
居貧豈無食，自不安畎畝。念此坐達晨，殘燈翳復吐。

哭歐公孤山僧惠思示小詩次韻

故人已為土，哀鬢亦驚秋。猶喜孤山下，相逢說舊游。

梵天寺見僧守詮小詩清婉可愛次韻

但聞煙外鐘，不見煙中寺。幽人行未已，草露濕芒屨。

惟應山頭月，夜夜照來去。

和陳述古拒霜花

千林掃作一番黃，只有芙蓉獨自芳。喚作拒霜知未

稱，細思却是最宜霜。

和沈立之留別二首

而今父老千行淚，一似當時初去時。不用鐫碑頌遠

愛，文人清德畏人知。

以聞鏡鼓送歸艎，夢裏恣恣共一觴。試問別來愁幾

許，春江萬斛若為量。

去時子
在試院

次韻孔文仲推官見贈

我本麋鹿性，諒非伏轅姿。君如汗血馬，作駒已權奇。

齊驅大道中，並帶鑿鑣馳。聞聲自決驟，那復受絛維。

謂君朝發燕，秣楚日未歇。云何中道止，連塞驢騾隨。

金鞍冒翠錦，玉勒垂青絲。旁觀信美矣，自揣良厭之。

均為人所勞何必陋鹽輜君看立仗色不敢鳴且窺
調習困鞭箠僅存骨與皮人生各有志此論我久持
他人聞定笑聊與吾子期空齋卧積雨病骨煩撐支
秋草上垣墻霜葉鳴堦墀門前自無客敢作揚雄麾
候吏報君來弭節江之湄一對高人談稍忘俗吏卑
今朝枉詩句繁如鳳來儀上山絕梯磴墮海迷津涯
憐我枯槁質借潤生華滋肯效世俗人洗刮求癢癢
賢明日登用清廟歌緝熙胡不學長卿須作封禪詞
湯村開運鹽河雨中曾後

居官不任事蕭散羨長卿胡不歸去來滯留愧淵明

鹽事星火急誰能郵農耕薨薨曉鼓動萬指羅溝坑
天雨助官政恣然林衣纓人如鴨與猪投泥相濺鴉
下馬荒堤上四顧但潮泓線路不容足又與牛羊爭
歸田雖賤辱豈失泥中行寄語故山友慎毋厭藜藿
是日宿水陸寺寄北山清順僧二首

草沒河堤雨暗村寺歲備竹不知門拾薪煮藥憐僧
病掃地燒香淨客魂農事未休侵小雪佛燈初上報
黃昏年來漸識幽居味思與高人對榻論
長嫌鐘鼓聒湖山此境蕭條却自然乞食遠村真為
飽無言對客本非禪被榛覓路衝泥入洗之關門聽

雨眠遙想身窮賈，島夜寒應聳作詩肩。

客位假寐

謁入不得去，兀坐如枯株。豈惟主忘客，今我亦忘吾。同僚不解事，愠色見髭須。雖無性命憂，且復愁須臾。

鹽官部役戲呈同事兼寄述古

新月照水水欲冰，夜霜穿屋屋生稜。野廬半與牛羊共，曉鼓却隨鴉鵲興。夜來履破裘穿縫，紅頰曲眉應入夢。千夫在野口如林，豈不懷歸畏朝弄。我州賢將知人勞，已釀白酒賞豚羔。耐寒努力歸不遠，兩腳凍硬公須軟。

朱壽昌郎中少不知母所在，刺血寫經求之五十年，去歲得之蜀中，以詩賀之。

嗟君七歲知念母，憐君壯大心愈苦。羨君臨老得相逢，喜極無言淚如雨。不羨白衣作三公，不愛白日昇青天。愛君五十著綵服，兒啼却得償當年。烹龍為炙玉為酒，鶴髮初生千萬壽。金花詔書錦作囊，白藤肩輿簾屋繡。感君離合我酸辛，此事今無古。或聞長陵搗米見大姊，仲孺豈意逢將軍。開皇苦挑空，記面建中天子終不見。西河郡守誰復譏，潁谷封人羞自薦。

將之湖州戲贈莘老

餘杭自是山水窟
反聞吳興更清絕
湖中摘林新著
霜溪上苔花正浮
雪顧渚茶牙白於齒
梅溪木瓜紅
勝頰吳兒鱸縷薄
欲飛未去先說饒
涎垂亦知謝公
到郡久應恠杜牧
尋春遲鬢絲只好對
禪榻湖亭不用張水嬉

鴉種麥行

霜林老鴉閑無用
畦東拾麥畦西種
畦西種得青猗
猗畦東已作牛毛稀
明年麥熟芒攢槩
農夫未食鴉先啄
徐行俛仰若自矜
鼓翅跳浪上牛角
憶昔犂耕歷山鳥為耘
如今老鴉種麥更辛勤
農夫羅拜鴉飛

送勸農使者來行水

鹽官絕句四首

南寺千佛閣

古邑居民半海濤
師來構築便能高
千金用盡身無事
坐看香煙透白毫

北寺悟空禪師塔

名齊安宣宗時
師知其非凡人

已將世界等微塵
空裏得在夢裏身
豈為龍顏更分
別只應天眼識天人

塔前古檜

當年雙檜是雙童
相對無言老更恭
定雪到腰埋不

死如今化作兩蒼龍

僧奕白雞養二十餘年常立坐側聽經

斷尾雄雞本畏烹年來聽法伴修行還須却置蓮花
漏老怯風霜恐不鳥

送張新民寺丞赴省試

龍飛甲子盡豪英常喜吾猶及老成人競春蘭笑秋

菊天教明月伴長庚傳家各自聞詩禮與子相逢之

弟兄洗眼上林看躍馬賀詩先到古宣城伯興太

讀同年此共子

六和寺評師開山溪為水軒

欲放清溪自在流忍教寒雪落沙洲出山定被江潮
流能為山僧更少留

和致仕張郎中春書

投筮歸來萬事輕消磨未盡祇風情舊因尊菜求長
假新為揚枝作短行不禱自安緣壽骨苦藏難沒是
詩名淺斟盃酒紅生頰細琢歌詞穩稱殼蝸殼卜居
心自放蠅頭寫字眼能明盛衰閱過君應笑寵辱年
來我亦平蹤履數從圮下老逸書閑問濟南生東風
原指無多日祇恐先春鷓鴣鳴

冬至日獨遊吉祥寺

井底微陽回未回蕭蕭寒雨濕枯葦何人更似蘇夫
子不是花時肯獨來

後十餘日復至

東君意淺著寒梅千朵深紅未暇裁安得道人殷七
七不論時節遣花開

戲贈

惆悵沙河十里春一番花老一番新小樓依舊斜陽
裏不見樓中垂手人

和人水筆跡

麥光鋪凡淨無暇入夜青燈照眼花後此刻薄真

吊半紅春蚓縮秋蛇

再用前韻寄華老

君不見夷甫開三窟不如長康瘳瘳絕瘳人自得終
天年智士死智罪莫雪困窮誰要卿料理舉頭看山
笏拄頰野鳧翅重自不飛黃鶴何事兩翼垂泥中相
從豈得久今我不往行恐遲江夏魚雙應未去恨無

文字相娛嬉

黃慶聖華

畫魚歌

湖州道中作

天寒水落魚在泥短鉤畫水如耕犁渚蒲披折藻荇
亂此意豈復遺鯀鯢偶然信手皆虛擊本不詞勞幾

平萬一一魚中乃百魚鵝蝦蟹奔忙誤跳擲漁人養
魚如養雞插竿冠笠驚鷓鴣豈知白挺開如雨攬水
覓魚嗟已踈

吳中田婦歎 如買水

今年粳稻熟苦遲庶見霜風來幾時霜風來時雨如
瀉杷頭出菌鎌生衣服枯淚盡雨不盡恐見黃穗卧
青泥茹苦一月隴上宿天晴獲稻隨車歸汗流肩頰
戴入市價賤乞與如糠粃賣牛納稅拆屋炊慮淺不
及明年飢官今要錢不要米西北萬里招羗兒糞黃
湍朝人更苦不如却作河伯婦

和邵同年戲贈賈收秀才三首

傾蓋相歡一笑中從來未省馬牛風
隣尚可容三徑投社終當作兩翁古意已將蘭楫佩
招詞閑詠桂生叢此身自斷天休問白髮年來漸不
公

朝見新莢出舊槎騷人孤憤苦思家五噫處士太窮
約三賦先生多誕考帳外鶴鳴奩有鏡筒中錢盡按
無蛙玉川何日朝金闕白晝關門守夜叉 特買效
用要

生涯到處似摘烏科第無心摘領鬚黃帽刺船忘歲
月白衣擔酒慰鰥孤祖公欺病來分粟水伯知饒為
出鱸莫向洞庭歌楚曲煙波渺渺正愁予

遊道場山何山

道場山頂何山麓上徹雲峰下幽谷我後山水窟中
來尚愛此山看不足陂湖行盡白漫漫青山忽作龍
蛇盤山高無風松自響誤認石齒獠獠湍山僧不放
山泉出屋底清池照瑤席塔前合抱香入雲月裏仙
人親手植出山回望翠雲驟碧瓦朱欄縹眇間白水
田頭問行路小溪深處是何山高入讀書夜達旦至
今山鶴鳴夜半我今廢學不歸山山中對酒空三歎

贈辛老七絕

嗟余與子久離群耳冷心灰百不聞若對青山談世

事當須舉白使浮君

天目山前綠浸裾碧欄堂下看銜鱸作堤捍水非五
事閑送茗溪入太湖

夜來雨洗碧巖岼浪湧雲屯遠郭寒間有弁山何處
是爲君四面意求看

夜橋燈火照溪明欲放扁舟取次行暫借官奴道吹
笛明朝新月到三更

三年京國厭藜蒿長羨淮魚厭楚糟今日駱駝橋下
泊恣看脩網出銀刀

烏程霜稻襲人香釀作春風雪水光時復中之徐逸

聖母多酌我次公狂
去年臘日訪孤山曾借僧窓半日閑不爲思歸對妻
子道人約徑須還

莘老葺天慶觀小園有亭北向道士山宗
說乞名與詩

春風欲動北風微歸鴈亭邊送鴈歸蜀客南遊家最
遠吳山寒盡雪先晞扁舟去後花絮亂五馬來時賓
從非惟有道人應不忘抱琴無語立斜暉

至秀州贈錢端公安道兼寄其弟惠山人

鴛鴦湖邊月如水孤舟夜榜鴛鴦起平明繫纜石橋
亭慙愧冒寒髯御史結交最晚情獨厚論心無數今
有幾寂寞抱關歎蕭生耆老執戟哀楊子怪君顏采
却秀發無乃遷謫反便美大公欲困無奈何世人共
抑真疎矣吐陵高山錫爲骨陸子遺味泉冰齒賢哉
仲氏早拂衣占斷此山長洗耳山頭望湖光潑眼山
下濯足波生指儻容逸少問金堂記與稽康留石髓

秀州報本禪院鄉僧文長老方丈

萬里家山一夢中吳音漸已變兒童每逢蜀叟談終
口便覺峨眉翠掃空師已忘言真有道我除搜句百

無功明年采藥天台去更欲題詩滿浙東

王復秀才所居雙檜二首

吳王池館徧重城閑草幽花不記名青蓋一歸無竟
處祇留雙檜待昇平

凜然相對敢相欺直幹凌空未要奇根到九泉無曲
處世間惟有螭龍知

宋叔達家聽琵琶

數絃已品龍香撥半面猶遮鳳尾槽新曲從翻玉
瑣舊聲終愛鬱輪袍夢回只記歸舟字賦能便盡
錦絲何異烏孫送公主碧天無際雁行高

元日次韻張先子野見和七夕寄莘考之作

得向牛女夕轉頭參尾中青春先入睡白髮不遺窮
酒社我為敵詩壇子有功縮頭先夏鼈見王實腹鄙
秋蟲莫唱裙垂線無人臉斷紅舊交懷賀老新進謝
終童袍鶴雙雙瑞腰犀一一通小蠻知在否試問爾
嚙翁

正月九日有美堂飲醉歸徑睡五鼓方醒
不復能眠起閱文書得鮮于子駿所寄古
意作雜興一首答之

衆人事紛擾志士獨悄悄何異琵琶絃常遭腰鼓鬧
三杯忘萬慮醒後還皎皎有如轆轤索已脫重索繞
家人自約教始慕陳婦孝可憐原臣先放蕩今誰弔
平生嗜羊炙識味肯輕飽烹蛇啖蛙蛤頗訝能稍稍
憂來自不寐起視天漢渺闌干玉繩低耿耿太白曉

次韻荅章傳見贈

並生天地宇同閱古今宙視下則有高無前孰無後
達人千鈞弩一施難再設下士沐猴冠已繫猶跳蹶
欲將駒過隙坐待石穿溜君看漢唐主宮殿悲麥秀
而況彼區區何異一醉富爰居非所養俯仰眩金奏

黽黽有餘樂不憚南面后嗟我昔少年守道貧非疚
自從出求仕役物恐見園馬馱既依梁班固亦事實
效顰豈不欲頑質謝錡鏃仄聞長者言悻直非養壽
垂而慎勿拭出勝當悅就居然成懶廢敢復齒豪右
子如照海珠罔目踈見漏宏材乏近用巧舞困短袖
坐令傾國容臨老見邂逅吾衰信久矣書絕十年舊
門前可羅雀感子煩屢扣願言歌緇衣子粲予還授

法惠寺橫翠閣

朝見吳山橫暮見吳山從吳山故多態轉則為君容
幽人起朱閣空洞更無物惟有千步岡東西作簾額

春來故國歸無期人言悲秋春更悲已泛平湖思濯
錦更看橫翠憶峨眉凋欄能得幾時好不獨憑欄人
易老百年興廢更堪哀懸知草莽化池臺遊人尋我
舊遊處但覓吳山橫處來

祥符寺九曲觀燈

紗籠擎燭逢門入銀葉燒香見客邀金鼎轉丹光吐
夜寶珠穿蟻鬧連朝波翻焰裏元相激魚舞湯中不
畏焦明日酒醒空想像清吟半逐夢魂銷

上元過祥符僧可久房蕭瑟無燈火

門前歌鼓闌今用一室清風冷欲冰不把瑤璃開照

佛始知無盡本無燈

正月二十一日病後述古邀往城外尋春

屋上山禽苦喚人檻前冰沼忽生鱗老來厭逐紅裙
醉病起空驚白髮新卧聽使君鳴鼓角試呼稚子整
冠巾曲欄幽榭終寒窘一看郊原浩蕩春

有以官法酒見餉者因用前韻求述古為

移厨飲湖上

喜逢門外白衣人欲繪湖中赤玉鱗遊舫已粧吳榜
穩舞衫初試越羅新欲將魚釣追黃帽未要靴刀抹
絳巾芳意十分強半在為君先踏水邊春

飲湖上初晴後雨二首

朝儀迎客豔重岡晚雨留人入醉鄉此意自佳君不

會一盃當屬水仙王

湖上有水仙王廟

水光瀲灩晴方好山色空濛雨亦奇欲把西湖比西

子淡粧濃抹總相宜

杜富陽新城李節推先行三日留風水洞

見待

春山礫礫鳴春禽此間不可無我吟路長漫漫傍江

浦此間不可無君語金鯽池邊不見君追君直過定

山村路人皆言君未遠騎馬少年清且婉風巖水穴

舊聞名只恨山溪夜不行溪橋曉溜浮梅萼知君繫

馬巖花落出城三日尚逶迤妻孥怪罵歸何時世上

小兒誇疾走如君相待今安有

風水洞二首和李節推

風轉鳴空穴泉幽瀉石門虛心聞地籟妄意覓桃源

過客詩難好居僧語不繁歸餅得冰雪清冷慰文園

山前雨水隔塵凡山上仙風舞檜杉細細龍鱗生亂

石團團羊角轉空巖馮夷窟宅非梁棟禦寇車輿謝

轡銜世事漸艱吾欲去永隨二子脫譏讒

獨遊富陽普照寺

富春真古邑此寺亦唐餘鶴老依喬木龍歸護賜書
連筒春水遠出谷晚鍾疎欲繼江潮韻何人為起予

自普照遊二庵

長松吟風晚雨細東庵半掩西庵閉山行盡日不逢
人泥泥野梅香入袂居僧笑我戀清景自厭山深出
無計我雖愛山亦自笑獨往神傷後難繼不如西湖
飲美酒紅杏碧桃香霞巖作詩寄謝採薇翁本不避
人那避世

富陽妙庭觀董雙成故宅發地得丹鼎覆
以銅盤承以智璃盆盆既破碎丹亦為人

爭奪持去今獨盤鼎存耳二首

人去山空鶴不歸丹亡鼎在世徒悲可憐九轉功成
後却把飛昇乞內芝
琉璃擊碎走金丹無復神光發舊壇時有世人來
鼎欲隨雞犬事劉安

新城道中二首

東風知我欲山行吹斷簷間積雨聲
帽樹頭初日挂銅鉦野桃含笑竹籬短
水清西崦人家應最樂煮芹燒筍餉春耕
身世悠悠我此行溪邊委轡聽溪聲
散材畏見搜林

斧疲馬思聞巷柿鉦細雨足時茶戶喜亂山深處長
官清人間岐路知多少試向桑田問耦耕

山村五絕

竹籬茅屋趁溪斜春入山村處處花無象太平還有
象孤煙起處是人家

煙雨濛濛雞犬聲有生何處不安生但教黃犢無人
佩布穀何勞也勸耕

老翁七十自腰鎌慙愧春山筍蕨甜豈是聞韶解忘
味爾來三月食無鹽

杖藜裹飯去匆匆過眼青錢轉手空贏得兒童語音

好一年強半在城中

竊祿忘歸我自羞豐年底事汝憂愁不須更待飛鳶

墮方念平生馬少遊

湖上夜歸

我飲不盡器半酣味尤長籃輿湖上歸春風吹面涼

行到孤山西夜色已蒼蒼清吟雜夢寤得句旋已忘

尚記梨花村依依聞暗香入城定何時賓客半在亡

睡眼忽驚翼繁燈鬧河塘市人拍手笑狀如失林羣

始悟山野姿異趣難自強人生安為樂吾榮殊未良

寒食未明至湖上太守未來兩縣令先在

城頭月落尚啼烏，烏榜紅舷早滿湖。鼓吹未容迎五馬，水雲先已颺雙鳧。映山黃帽螭頭舫，夾道青煙鵲尾爐。老病逢春只思睡，獨求僧榻寄頽臞。

次韻孫莘老見贈時莘老移廬州因以別

之

爐鏈一手賦形殊，造物無心敢望渠。我本疎頑固當

爾，子猶淪落況其餘。龔黃側畔難言政，羅趙前頭且

眩書。莘老見稱政事與書而莘老書至不上惟有陽關一杯酒，慙慙重

唱贈離居

贈別

青鳥銜巾久欲飛，黃鸝別主更悲啼。慙慙莫忘公心處，湖水東邊鳳嶺西。

次韻代留別

絳蠟燒殘玉笋飛，離歌唱徹萬行啼。他年一舸鷓鴣去，應記儂家舊姓西。

月克茶

環非環缺非缺，中有迷離玉兔兒。似佳人裙上月，圓還缺缺還圓。此月一缺圓何年，君不見闕茶公子不忍闕小團。上有雙銜綬帶雙飛鸞。

薄命佳人

雙頰凝酥髮抹漆眼光入簾珠的樂故將白練作仙
衣不許紅膏污天質吳音嬌軟帶兒癡無限閑愁
未知自古佳人多命薄閉門春盡揚花落

吉祥花將落而述古不至

今歲東風巧翦裁含情只待使君來對花無信花應
恨直恐明年便不開

述古聞之明日即來坐上復用前韻同賦

仙衣不用翦刀裁國色初酣卯酒來太守問花花有
語為君零落為君開

李鈴轄坐上分題戴花

二八佳人細馬馳十千美酒渭城歌簾前柳絮驚春
晚頭上花枝柰老何露濕醉巾香掩冉月明歸路影
婆娑綠珠吹笛何時見欲把斜紅插皂羅

於潛令刁同年野翁亭

山翁不出山溪翁長在溪前二令作不如野翁來往

溪山間上友麋鹿下鳥鷺問翁何所樂三年不去煩
推擠翁言此間亦有樂非絲非竹非蛾眉山入醉後

鐵冠落溪女笑時銀櫛低我來觀政問風謠皆云吠
犬足生甃但恐此翁一旦舍此去長使山人索寞溪

女帝元日山唐道士常冠鐵冠於潛婦

於潛女

青裙縞袂於潛女兩足如霜不穿履
簪沙鬢髮絲穿杼蓬香郭前走風雨
老漢宮粧傳父祖至今遺民悲
故主苦溪楊柳初飛絮照溪畫眉渡
溪去逢郎憔悴歸相媚媼不信姬
姜有齊魯

自昌化雙溪館下步尋溪源至治平寺二

首

亂山滴翠衣裘重雙澗響空窓戶搖飽食不嫌溪筍
瘦穿林閑覓野芳苗却愁縣令知遊寺尚喜漁人爭
渡橋正似醴泉山下路桑枝刺眼麥齊腰

每見田園輒自招倦飛不擬控扶搖共疑揚惲非鋤
豆誰信劉章解立苗老去尚貪彭澤米夢歸時到錦
江橋官遊莫作無家客舉族長懸似細腰

於潛僧綠筠軒

可使食無肉不可居無竹無肉令人瘦無竹令人俗
人瘦尚可肥俗士不可醫旁人笑此言似高還似癡
若對此君仍大嚼世間那有揚州鶴

與臨安令宗人同年劇飲

我雖不解飲把殘歡意足試呼白髮感秋人令唱黃
雞催曉曲與君登科如隔晨弊袍霜葉空殘綠如今

莫問老與少兒子森森如立竹黃雞催曉不須愁老
盡世人非我獨

寶山晝睡

七尺頑軀走世塵十圍便腹貯天真此中空洞渾無
物何止容君數百人

東坡集卷第四

東坡集卷第五

詩一百三首

僧清順新作垂雲亭

江山雖有餘亭榭蒼難穩登臨不得要萬象各偃蹇
惜哉垂雲軒此地得何晚天功爭向背詩眼巧增損
路窮朱欄出山破石壁很海門浸坤軸湖尾抱雲巘
葱葱城郭麗淡淡煙村遠紛紛烏鵲去一一漁樵返
雄觀快新獲微景收昔遁道人真古人嘯咏慕嵇阮
空齋臥蒲褐芒屨每自捆天憐詩人窮乞與供詩本
我詩久不作荒澁旋鋤墾從君覓佳句咀嚼廢朝飯

五月十日與呂仲甫周邠僧惠勤惠思清
順可父惟肅義詮同泛湖遊北山

三吳雨連月湖水日夜添尋僧去無路激激水拍簷
駕言徂北山得與幽人兼清風洗昏翳晚景分濃纖
縹緲朱樓人斜陽半踈簾臨風一揮手悵馬起遐瞻
世人鶩朝市獨向溪山廡此樂得有命輕傳神所殲
會客有美堂周邠長官與數僧同泛湖往
北山湖中間堂上歌笑聲以詩見寄因和
二首時周有服

鷓鴣若詩似嶺雲從來不許醉紅裙不知野屐穿山

翠惟見輕橈破浪紋頗憶呼盧素彥道難邀駕坐灌

將軍

皆取其有服也

晚風落日元無主不惜清涼與子分

載酒無人過子雲掩關書臥客書裙歌喉共聽珠
貫醉面何因作纈紋僧侶且陪香火社詩壇欲斂鵲
鵝軍憑君徧遶湖邊寺漲深晴來已十分

席上代人贈別

淒音怨亂不成歌縱使重來奈老何淚眼無窮似梅
雨一番勻了一番多

天上麒麟豈混塵籠中弱翠不由身那知昨夜香閨
裏更有偷啼暗別人

蓮子擘開須見憶，揪枰著盡更無期。
破衫却有重逢處，一飯何曾忘却時。

唐道人言天目山上俯視雷雨，每大雷電，但聞雲中如嬰兒聲，殊不聞雷震也。

已外浮名更外身，區區雷電若爲神。
山頭只作嬰兒看，無限人間失筭人。

追和子由去歲試舉人洛下所寄詩五首

暴雨初晴樓上晚景

秋後風光雨後山，滿城流水碧潺潺。
海煙雲好處無多子，及取昏鴉未到間。

洛邑從來天地中，嵩高蒼翠北郊紅。
風流耆舊消磨盡，只有青山對病翁。謂嵩也

白汗翻漿午景前，雨餘風物便蕭然。
應傾半熟鴛黃酒，照見新晴水碧天。

疾雷破屋雨翻河，一掃清風未覺多。
應似畫師吳道子，高堂巨壁寫降魔。
客路三年不見山，上樓相對夢魂間。
明朝却踏紅塵去，羞向清伊照病顏。

過廣愛寺見三學演師觀揚惠之塑寶山

朱瑤畫文殊普賢三首

寓世身如夢安閑日似年敗蒲翻覆卧破衾再三連
勸客眠風竹長齋飲石泉回頭萬事錯自笑覺師賢
妙迹苦難尋茲山見幾層亂峰螺髻出絕磴陣雲崩
措意元同畫觀空欲問僧莫教林下意終老歎何曾
朱瑤唐晚輩得法尚雄深滿寺空遺跡何人識苦心
長廊敲雨脚破壁撼鍾音成壞無窮事他年復弔今

韓子華石淙莊

絳侯百萬兵尚畏書牘背功名意不已數與危機會
我公抱絕識凜凜鎮橫濱欲收伊呂迹速與巢由對
誓言雖未後久已斷諸內區區為法祖頗覺羲之隘

此身隨造物一葉舞澎湃田園不早定歸宿終安在
彼美石淙莊每到百事廢泉流知人意屈折作濤瀨
寒光洗肝腸清響跨竿籟我舊門前客放言不自外
園中亦何有蒼蔚可勝計請公試回首歲晚餘蒼檜

立秋日禱雨宿靈隱寺同周徐二令

百重堆案掣身閑一葉秋聲對榻眠床下雪霜侵戶
月枕中琴筑落塔泉崎嶇世味嘗應遍安窳山栖老
漸便惟有問農心尚在起占雲漢更茫然

病中獨遊淨慈謁本長老周長官以詩見
寄仍邀遊靈隱因次韻答之

卧聞禪老入南山淨掃清風一百間我與世跡宜獨
往君緣詩好不容攀自知樂古于年年減難得高人日
日閑欲問雲公覓心地要知何處是無還揚殿註云
我今示法

無所
還地

病中遊祖塔院

紫李黃瓜村路香烏紗白葛道衣涼閉門野寺松陰
轉欹枕風軒客夢長因病得閒殊不惡安心是藥更
無方道人不惜階前水借與兜搏自在嘗

虎跑泉

亭亭石塔東峰上此老初來百神仰虎移泉眼趁行

脚龍作浪花供撫掌至今遊人濯濯罷臥聽空壑環
玦響故知此老如此泉莫作人間去來想

佛日山榮長老方丈

五絕

陶令思歸久未成遠公不出但聞名山中只有蒼髯
叟數里蕭蕭管送迎

千株三槩攬雲立一穗珠梳落鏡寒何處霜眉碧眼
客結為三友令相看

東麓雲根露角牙細泉幽咽走金沙不堪土肉埋山
骨未放蒼龍浴渥洼

食罷茶甌未要深清風一榻抵千金腹搖鼻息庭花

落還盡平生未足心

日射回廊午枕明水沈銷盡碧煙橫山人睡覺無人

見只有飛蚊遶鬢鳴

癸丑春分後雪

雪入春分省見稀半開桃李不勝威應慙落地梅花
識却作漫天柳絮飛不分東君專節物故將新巧發
陰機從今造物尤難料更暖須留御臘衣

孤山二詠

并引

孤山有陳時柏二株其一為人所薪山下老入自為
兒已見其枯矣然堅悍如金石愈於未枯者僧志詮

作堂於其側名之曰柏堂堂與白公居易竹閣相連
屬余作二詩以記之

柏堂

道人手種幾生前鶴骨龍姿尚宛然雙幹一先神物
化九朝三見太平年忽驚華構依巖出乞與佳名到
處傳此柏未枯君記取灰心聊伴小乘禪

竹閣

海山兜率兩茫然古寺無人竹滿軒白鶴不歸歸後
語蒼龍猶是種時孫兩叢却似蕭郎筆千畝空懷渭
上村欲把新詩問遺像病維摩詰更無言

與述古自有美堂乘月夜歸

娟娟雲月稍侵軒
漱漱星河半隱山
魚鱗未收清夜
水鳳簫猶在翠微間
淒風瑟縮經絃柱
香霧凄迷着
髻鬟共喜使君能
鼓樂萬人爭看火城還

有美堂暴雨

遊人脚底一聲雷
滿坐頑雲撥不開
天外黑風吹海
立浙東飛雨過江來
十分漱澹金樽凸
千杖敲銀錫
鼓催喚起謫仙泉
灑面倒傾蛟室瀉瓊瑰

八月十五日看潮 五絕

之知玉兔十分圓
已作霜風九月寒
寄語重門休上

鑰夜潮留向月中看

萬人鼓噪憶吳儂
猶似浮江老阿童
欲識潮頭高幾
許越山渾在浪花中

江邊身世兩悠悠
久與滄波共白頭
造物亦知人易
老故教江水更西流

吳兒生長狎濤淵
冒利輕生不自憐
東海若知明立
意應教斥鹵變桑田 是時新有
白兼弄潮

江神河伯兩醯雞
海若東來氣吐霓
安得夫差水犀
手三千強弩射潮低 吳越王嘗以子弩射潮頭
與海神較自尔水不近城

東陽水樂亭 為東陽令王都官樂作

君不學白公引涇東注渭五斗黃泥一鍾水又不學
哥舒橫行西海頭歸來羯鼓打涼州但向空山石壁
下愛此有聲無用之清流流泉無絃石無竅強名水
樂人人笑慣見山僧已默聽多情海月空留照洞庭
不復來軒轅至今魚龍舞鈞天聞道磬裏東入海遺
聲恐在海山間鏘然澗谷含宮徵節奏未成君獨喜
不須寫入薰風絃縱有此聲無此耳

與周長官李秀才遊徑山二君先以詩見
寄次其韻二首

少年飲紅裙酒盡推不去呼來徑山下試與洗冰霧

癡馬惜鄣泥臨流不肯渡獨有汝南君從我無朝暮
肯將紅塵脚暫着白雲屢嗟我與世人何異笑百步
功名一破甌棄置何用顧更憑陶靜節往問征夫路
龍亦戀故居百年尚來去至今雨雹夜殿聞風纏霧
而我弃鄉國大江忘北渡便欲北山前築室安遲暮
又恐太幽獨歲晚霜入屨同遊得李生仄足隨蹇步
孔明不自愛臨老起三顧吾歸便却掃誰踏門前路

臨安三絕

將軍樹

阿堅澤畔菰蒲節玄德墻頭羽葆桑不會世間閑草

木與人何事管興亡

錦溪

楚人休笑沐猴冠越俗徒誇翁子賢五百年間異人出盡將錦繡裏山川

石鏡

山雞舞破半巖雲蔓葉開殘野水春應笑武都山下土柱教明月徇佳人

登玲龍山

何年僵立兩蒼龍瘦脊盤盤尚倚空翠浪舞翻紅罷亞白雲穿破碧玲瓏三休亭上工延月九折巖前巧

貯風脚力盡時山更好莫將有限趣無窮

宿九仙山

九仙謂左元敏
有適王謝之流

風流王謝古仙真一去空山五百春玉室金堂餘漢士桃花流水失秦人困眠一榻香凝帳夢遶千巖冷逼身夜半老僧呼客起雲峰缺處湧冰輪

陌上花三首

并引

遊九仙山間里中兒歌陌上花父老云吳越王妃每歲必歸臨安王以書遺妃曰陌上花開可緩緩歸矣吳人用其語為歌含思宛轉聽之淒然而其詞鄙野為易之云

陌上花開蝴蝶飛江山猶是昔人非遺民幾度垂垂
老遊女長歌緩緩歸

陌上山花無數開路人爭看翠軒來若為留得堂堂
去且更從教緩緩迴

生前富貴草頭露身後風流陌上花已作遲遲君去
魯猶歌緩緩妾回家

遊東岳巖

即謝安
東山也

謝公舍雅量世運屬艱難况復情所鍾感稟萃中年
正賴絲與竹陶寫有餘歡常恐兒輩覺坐令高趣闌
獨携縹渺人來上東西山放懷事物外徙倚弄雲泉

一旦功業成管蔡復流言慷慨桓野三哀歌和清輝
挽頰起流涕始知使君賢意長日月促卧病已辛酸
慟哭西州門往駕那復還空餘行樂處古木昏蒼煙

宿海會寺

籃輿三日山中行山中信美少曠平下投黃泉上青
冥綫路每與猿猴爭重樓束縛遭澗坑兩股酸哀飢
腸鳴此度飛橋踏鼓鏗繚垣百步如古城大鍾橫撞
千指迎高堂延客夜不高枹槽漆斛江河傾本來無
垢洗更輕倒床鼻息四鄰驚統如五鼓天未明木魚
呼粥亮且清不聞人聲聞履聲

海會寺清心堂

南郭子綦初喪我西來達磨尚求心此堂不說有清
濁遊客自觀隨淺深兩歲頻為山水後一溪長照雪
霜侵紛紛無補竟何事慚愧高人閉戶吟

徑山道中次韻荅周長官兼贈蘇寺丞

年來戰紛華漸覺夫子勝欲求五畝宅灑掃樂清淨
學道恨日淺問禪慙聽瑩聊為山水行遂此糜庶性
獨遊吾未果覓伴誰復聽吾宗古遺直窮達付前定
餽糟醉方熟洒面呼不醒奈何效鶯鷓屢欲爭晨暝
不如從我遊高論發犀柄溪南渡橫木山寺稱一徑

太平寺在嶺幽尋自始歸路微月暝南望功臣山雲

外盤飛磴三更渡錦水再宿留石鏡緬懷周與李能
作洛生詠明朝三子至詩律嚴誦今籃輿置紙筆得
句輕予乘玲瓏苦奇秀名實巧相稱九仙更幽絕笑
語予山應空巖側破鑿飛溜灑浮磬山前見席跡候
吏鏡鼓競我生本艱奇塵土泚金甌山禽與野獸知
我久蹭蹬笑謂候吏還禦虎吾有命徑山雖云遠行
李稍可併頗訝王子猷忽起山陰興但報菊花開吾
當理歸榜

汪暉秀才久留山中以詩見寄次其韻

季子應嗔不下機，棄家來伴碧雲師。
中秋冷坐無因醉，半月長齋未肯辭。
擲簡搖毫無忤色，善書託名入社有新詩。
飛騰桂籍他年事，莫忘山中採藥時。

再遊徑山

老人登山汗如濯，到山困卧呼不覺。
覺來五鼓日三竿，始信孤雲天一握。
古語云孤雲兩角去天一握平生未省出艱險，
雨足慣曾行華嶽。含暉亭上望東溟，
凌霄峰頭挹南岳。共愛然松翠絲亂，
誰見玉芝紅玉琢。白雲何事自來往，
明月長圓無晦朔。山有白雲峯，明月庵。塚上雞鳴猶憶欽，
山前鳳舞遠徵璞。雪因劇兔元不死，
煙嶺孤猿苦

難提從來白足傲，死生不怕黃巾把。
刁鐮榻上雙痕凜，然在劒頭一快。
何須角以上特山中故事嗟我昏頑晚聞道，
與世齟齬空多學。靈水先除眼界花，
清詩為洗心源濁。騷人未要逃競病，
禪老但喜聞剝啄。此生更得幾迴來，
從今有暇無辭數。

洞霄宮

上帝高居愍世頑，故留瓊館在凡間。
青山九鎖不易到，作者七人相對閑。
論語云作者七人蛟舞洞中飛鼠白，
鶴翻長松怪石宜。霜鬢不用金丹苦，
駐顏

初自徑山歸述古名飲介亭以病先起
西風初作十分涼喜見新橙透甲香
遲暮賞心驚節物登臨病眼怯秋光
懽眠處士雲庵裏倦醉佳人錦瑟旁
猶有夢迴清興在卧聞歸路樂聲長

明日重九亦以病不赴述古會再用前韻

月入秋帷病枕涼
霜飛夜輦故衣香
可憐吹帽狂司馬
空對親春老孟光
不作雍容傾坐上
翻成駢儻倚門旁
人聞此會論今古
細看茱萸感歎長

九日尋臻閣梨遂泛小舟至慈師院二首

白髮長嫌歲月侵
病眸無怕酒杯深
南窗老宿閑相

過東閣郎君懶重尋
試碾露牙烹白雪
休拈霜葉

黃金扁舟又截平湖去
欲訪孤山支道林

湖上青山翠作堆
葱葱鬱鬱氣佳哉
笙歌叢裏抽身出
雲水光中洗眼來
白足赤髭迎我笑
拒霜黃菊為誰開

明年桑苧煎茶處
憶著衰翁首重回

煎茶詩羽白弄桑苧翁
余來年九日去此久矣

九日舟中望見有美堂上魯少卿飲處以

詩戲之

指點雲間數點紅
笙歌正擁紫髯翁
誰知愛酒龍山客
却在漁舟一葉中

西閭珠簾卷落暉水沉煙斷佩聲微遙知通德淒涼
甚擁髻無言怨未歸

遊諸佛舍一日飲職茶七殘戲書勤師壁
示病維摩元不病在家靈運已忘家何煩魏帝一丸
藥且盡盧仝七椀茶

九日湖上尋周李二君不見君亦見尋於
湖上以詩見寄明日乃次其韻

湖上野芙蓉含思愁脉脉娟然如靜女不肯傍阡陌
詩人杳未來霜艷冷難宅君行逐鷗鷺出處浩莫榮
葦閣聞擘音雲表已飛屐使我終日尋逢花不忍偷

人生如朝露要作百年客謂彼終歲勞奉茲一日澤
願言竟不遂人事多乖隔悟此知有命沉憂傷魂魄

送杭州杜戚陳三掾罷官歸鄉

秋風撼撼鳴枯蓼舡閣荒村夜悄悄正當逐客斷腸
時君獨歌呼醉連曉老夫平生齊得喪尚戀微官失
輕矯君今憔悴歸無食五斗未可秋毫小君言失意
能幾時月啖蝦蟇行復皎殺人無驗中不快此恨終
身恐難了徇時所得無幾何隨手已遭憂患繞期君
正似種宿麥忍饑待食明年麩

次韻周長官壽星院同餞魯少卿

瑤瑤百頃水仙家風靜湖平響釣車窈窕疎松歌晚
照伶俜寒蝶抱秋花困眠不覺依蒲榻歸路相將踏
桂華更著綸巾披鶴氅他年應作畫圖誇

次韻述古過周長官夜飲

二更鏡鼓動諸隣百首新詩問八你已遣亂蛙成兩
部更邀明月作三人雲煙湖寺家家境燈火沙河夜
夜春鳥不勸公勸秉燭老來光景似奔輪

述古以詩見責屢不赴會復次前韻

我生孤癖本無隣老病年來益自珍肯對紅裙詞白
酒但愁新進笑陳人北山怨鶴休驚夜南畝中中欲

及春多謝清詩屢推較齋膏那解轉方輪宋詩有

金門寺中見李留臺與二錢惟演唱和四

絕句戲用其韻跋之

帝城春日帽簷斜二陸初來尚憶家未肯將鹽下尊
菜已應知雪似楊花

生平賀老慣乘舟騎馬風前怕打頭欲問君王乞

竹但憂無蟹有監州皆世所傳錢氏故事

西堂妙迹繼楊風或無限龍蛇洛寺中一紙清詩弟

興廢塵埃零落梵王宮

五季文章墮劫灰升平格力不全回故知前輩宗徐
庾數首風流似玉臺

胡穆秀才遺古銅器似鼎而小上有兩柱
可以覆而不厭以為鼎則不足疑其像器
也胡有詩答之

隻耳獸齧環長唇三趾下銳春浦短兩柱向
張秋菌細君看翻覆俯仰間覆成三角翻兩唇古書
雖滿腹苟有用我亦隨世嗟君一見呼作鼎注升
合已漂逝不如思爽盡日盛酒真良計
賀陳述古弟章生子

鬱葱佳氣夜充閭始見徐鄉弟二雛甚欲去為湯餅
客惟愁錯寫弄塵書參軍新婦賢相敵阿大中郎官
有餘我亦從來識英物試教啼看定何如

贈治易僧智周

寒窓孤坐凍生餅尚把遺編照露螢閣東九師新得
妙夢吞三畫舊通靈斷絃挂壁知音喪相與為深
揮塵空山亂石聽齋罷何須更臨水胸中自有洗
心經

張子野年八十五尚聞買妾述古今作詩
錦里先生自笑狂莫欺九尺鬢眉蒼詩人老去鬢鬢

在公子歸來燕燕忙
柱下相君猶有齒
江南刺史已無腸
平生謬作安昌客
略遣彭宣到後堂

書雙竹湛師房

我本江湖一釣舟
意嫌高屋冷飈飈
羨師此室纔方丈
一炷清香盡日留
暮鼓朝鍾自擊撞
閉門孤枕對殘缸
白灰旋撒通紅火
卧聽蕭蕭雪打窓

寶山新開徑

藤梢橘刺元無路
竹杖褰鞋不用扶
風自遠來聞語笑
水分流處見江湖
回觀佛國青螺髻
踏遍仙人碧玉

玉壺野客歸時
山月上棠梨
葉戰暝禽呼

和述古冬日牡丹

一朵妖紅翠欲流
春光回照雪霜羞
化工只欲呈新巧
不放閑花得少休

花開時節雨連風
却向霜餘潦爛紅
漏泄春光私一物
此心未信出天工

當時只道鶴林仙
能遣秋花發杜鵑
誰信詩能迴造化
直教霜枿放春妍

不為清霜入小園
故將詩律變寒暄
使君欲見藍關詠
更倩韓郎為洗根

和錢安道寄惠建茶

我官于南今幾時嘗盡溪茶與山茗胸中似記故人
面口不能言心自省為君細說我未暇試評其略差
可聽建溪所產雖不同一天與君子性森然可愛
不可慢骨清肉膩和且正雪花雨脚何之道發過始
知真味永縱復苦硬終可錄汲黯少憇寬饒猛草茶
無賴空有名高者妖邪次頑曠體輕雖復強浮泛性
滯偏工嘔酸冷其間絕品豈不佳張禹縱賢非骨鯁
葵花玉鞞不易致道路幽險隔雲嶺誰知使若來自
西開緘磊落收百飢喫香嚼味本非別透紙自覺光

炯炯紕獮團鳳友小龍奴隸日注臣雙井收藏愛惜
待佳客不敢色裹鑽權倖此詩有味君勿傳空使時
人怒生瘦

和柳子玉喜雪次韻仍呈述古

詩翁愛酒長如渴餅盡欲沽囊已竭燈青火冷不成
眠一夜撚頰吟喜雪詩成就我覓歡處我窮正與君
髣髴曷不走投陳孟公有酒醉君仍飽德瓊瑤欲盡
天應惜更遣清光續殘月安得佳人擢素手笑捧玉
盤兩竒絕豔歌一曲迴陽春坐使高堂生暖熱

弔天竺海月辯師三首

欲尋遺跡強沾裳本自無生可得亡今夜生公講堂
月滿庭依舊冷如霜

生死猶如臂屈伸情鍾我輩一酸辛樂天不是蓬萊
客憑仗西方作主人

欲訪浮雲起滅因無緣却見夢中身安心好住王文
度此理何須更問人

李頎秀才善畫山水兩軸見寄仍有詩次
韻答之

平生自是箇中人欲向漁舟便寫真詩句對君難出
手雲泉勸我早抽身年來白髮驚秋遠長恐青山與

世新從此北歸休悵望囊中收得武林春

雪後至臨平與柳子玉同至僧舍見陳尉
列

落帆古戍下積雪高如丘強邀詩老出踈髯散颼颼
僧房有宿火手足漸和柔靜士素寡言相對自忘憂
銅鑪擢煙穉石鼎浮霜漚我行雖有程坐穩且復留
大哉天地間此生得浮遊

夜至永樂文長老院文時卧病退院

愁聞巴叟卧荒村來打三更月下門往事過年如昨
日此身未死得重論老非懷土情相得病不開堂道

益尊惟有孤栖舊時鶴舉頭見客似長言

柳氏二外生求筆迹

退筆成山未足珍讀書萬卷始通神君家自有元和脚莫厭家雞更問人

一紙行書兩絕詩遂良須鬢已如絲何當火急傳家法欲見誠懸筆諫時

錢安道席上令歌者道服

烏府先生鐵作肝霜風卷地不知寒猶嫌白髮年前少故點紅燈雪裏看他日卜隣先有約待君投綬我休官如今且作華陽服醉唱儂家七返丹

除夜野宿常州城外二首

行歌野哭兩堪悲遠火低星漸向微病眼不眠非守歲鄉音無伴苦思歸重衾脚冷知霜重新沐頭輕感髮稀多謝殘燈不嫌客孤舟一夜許相依

南來三見歲云徂直恐終身走道塗老去怕看新曆日退歸擬學舊桃符煙花已作青春意霜雪偏尋病客鬚但把窮愁博長健不辭寂後飲屠蘇

元日過丹陽明日立春寄魯元翰

堆盤紅縷細茵陳巧與樹花兩鬪新竹馬異時寧信老土牛明日莫辭春西湖弄水猶應早北寺觀燈欲

及辰白髮蒼顏誰肯記曉來頻嚏為何人

古纏頭曲

鷓鴣絃鐵撥世無有樂府舊工惟尚叟一生喙硬眼無人坐此困窮今白首翠鬢女子年十七指法已似呼韓婦輕帆渡海風掣迴滿面沙塵和淚垢青衫不逢湓浦客紅裋漫插曹綱手爾來一見哀臺他便着臂講躬井曰我慙貧病百不足強對黃花飲白酒得閑渡索動有神雷靴空堂戰窓牖四絃一抹攤秧立拜十分為我壽世人只解錦纏頭與汝作詩傳不朽

子同年草堂

不用長竿橋繡衣南園北第兩參差青山有約長當戶流水無情自入池歲久醱醱渾似合春來揚柳不勝垂主人不用忽忽去正是紅梅着子時

惠山謁錢道人烹小龍團登絕頂望太湖踏遍江南南岸山逢山未免更留連獨携天上小圓月來試人間第二泉石路縈回九龍脊水光翻動五湖天孫登無語空歸去半嶺松聲萬壑傳

錢道人有詩云直須認取主人翁作兩絕

戲之

首斷故應無斷者冰消那復有冰知主人若苦令懷

認認主人人竟是誰
有主還須更有賓不如無鏡自無塵
只從半夜安心後失却當年覺痛人

和蘇州太守王規甫侍太夫人觀燈之什
余時以劉道原見訪滯留京口不及赴此

會二首

不覺朱幡輾後塵
爭看繡幃錦纏輪
洛濱侍從三人貴
京兆平反一笑春
但逐東山携伎女
那知後閣走窮賓
滯留不見紫華亭
空作廣詩第七人
翩翩綬時走香塵
激激飛濤射火輪
美酒留連三夜

月豐年傾倒五洲春
時浙西皆以不熟
強對贈燈歸期為惡賓
墮珥遺簪想無限
華胥猶見夢回人

成都進士杜暹伯升出家名法通
往來吳中

欲識當年杜伯升
飄然雲水一孤僧
若教俯首隨羶鎖料得如今似我能
及第子玉云通若及第不過似我

東坡集卷第六

詩九十九首

虎丘寺

八門無平田石塔穿細嶺陰風生澗壑古木翳潭井
湛盧誰復見秋水光耿耿鐵花秀巖壁殺氣噤蛙鼃
幽幽生公堂左右立頑礦當年或未信異類服精猛
胡為百歲後仙鬼互馳騁窈然留清詩讀者為悲哽
東軒有佳致雲水麗千頃熙熙覽生物春意破淒冷
我來屬無事暖日相與永喜鵲翻初旦愁鳥導洛景
坐見漁樵還新月溪上影悟彼良自怡歸田行可請

常潤道中有懷錢塘寄述古五首

從來直道不辜身得向西湖兩過春沂上已成曾點
眼泮宮初采魯侯芹休驚歲歲年年貌且對朝朝莫
莫人細雨晴時一百六畫船鼉鼓莫違民

草長江南鶯亂飛年來事事與心違
落燕入華堂怪未歸世上功名何日是罇前點檢幾
人非去年柳絮飛時節記得金籠放雪衣

壽

抗人以放
錫為太守

浮玉山頭日日風岬也湧金門外已春融二年魚鳥

渾相識三月鶯花付與公
剩看新翻眉倒暈未應泣

別臉消紅何人織得相思字寄與江邊北向鴻

國豔天饒酒半酣去年同賞寄僧簪但知撲撲晴香

軟誰見森森曉態嚴
穀雨共驚無幾日蜜蜂未許輒

先甜應須火急迴征棹一片詞枝可得黏

惠山泉下土如濡陽羨溪頭米勝珠賣劍買牛吾欲

老殺雞為黍子來無地偏不信容高蓋俗倫真堪着

腐儒莫怪江南苦留滯經營身計一生迂

刁景純賞瑞香花憶先朝侍宴次韻

上苑夭桃自作行劉郎去後幾回芳
賦從年少追新賞閑對宮花識舊香
欲贈佳人非泛浦好紉幽佩弔

沉湘鶴林神女無消息為問何年返帝鄉

同柳子玉遊鶴林招隱醉歸呈景純

花時臘酒照人光歸路春風灑面涼劉氏宅邊霜竹
老戴公山下野桃香巖頭正練兼天靜泉底真珠濺
客忙安得道人攜笛去一敲吹裂翠崖岡

景純見和復次韻贈之二首

解組歸來道益光坐看百物自炎涼卷簾堂上檀槽
鬧送客林間樺燭香淺量已愁當酒怯非才尤覺和
詩忙何人貪佩黃金印千柱耽耽鎖北岡
人間膏火正爭光每到歲春得整涼多事始知田舍

好凶年偏覺野藤香溪山腥畫徒能說來往如梭為
底忙老去此身無處著為翁栽插萬松岡

柳子玉亦見和因以送之兼寄其兒子璋
道人

不羨腰金照地光整時假面弄西涼晴窗燕日肝腸
暖古殿朝真履袖香說靜故知猶有動無開底處更
求忙先生官罷乘風去何用區區賦少岡

子玉家宴用前韻見寄復答之

自酌金樽勸孟光更教長笛奏伊涼
女逸太白扇枕郎君煩阿香詩病逢春轉深痼愁魔

得酒整奔忙醒時情味吾能說日在西南白草岡

景純復以二篇一言其亡况與伯父同年之契一言今者唱酬之意仍次其韻

靈壽扶來似孔光感時懷舊一悲涼蟾枝不獨同攀

桂雞舌還應共賜香亦同等是浮休無得喪粗分憂

樂有閑忙年來世事如波浪鬱鬱誰知柏在岡

屢把鋸刀齒步光更遭華袞照龐涼蘇門山上莫長

蕭詹叟林中無別香燭燼已殘中夜刻槐花遂似昔

年忙背城借一吾何敢慎莫樽前替戾岡

金山寺與柳子玉飲大醉卧寶覺禪榻夜

分方醒書其辭

惡酒如惡人相攻劇刃箭頗然一榻上勝之以不戰

詩翁氣雄拔禪老語清軟我醉都不知但覺紅綠眩

醒時江月墮撼撼風響變惟有一龕燈二豪俱不見

大風留金山兩日

塔上一鈴獨自語明日顛風當斷渡朝來白浪打蒼

崖倒射軒窓作飛雨龍驤萬斛不敢過漁艇一葉從

掀舞細思城市有底忙却笑蛟龍為誰怒無事久留

童僕怪此風聊得妻孥許瀟山道人獨何事半夜不

眠聽鷓鼓

監洞霄宮俞康直郎中所居四詠

退圃

百丈休牽上瀨船一鉤歸釣縮頭鱗園中艸木春無
數只有黃楊厄閩年以說黃楊歲長一
過一開退三十

逸堂

新第誰來作並隣舊官寧復憶星辰請君置酒吾當
賀知向江湖拜故人

遯軒

冠蓋相望起隱淪先生那得老江村古來真遯何曾
遯笑殺逾垣與閉門

遠樓

西山煙雨卷疎簾北戶星河落短簷不獨江天解空
闊地偏心遠似陶潛

游鶴林招隱二首

郊原雨初霽春物有餘妍古寺滿脩竹深林聞杜鵑
睡餘柳花墮目眩山櫻然西窓有病客危坐看香煙
行歌白雲嶺坐咏脩竹林風輕花自落日薄山半陰
澗草誰復識聞香杳難尋時見城市人幽居惜未深

書普慈長老壁志誠

普慈寺後千竿竹醉裏曾看碧玉椽倦客再遊行老

笑高僧一笑故依然久叅白足知禪味苦馱黃公名鳥
聒晝眠惟有兩株紅百葉晚來猶得向人妍

書焦山綸長老壁

法師住焦山而實未嘗住我來輒問法法師了無語
法師非無語不知所若故君看頭與足本自安冠屨
譬如長鬚人不以長為苦一旦或人問每睡安所措
歸來被上下一夜着無處展轉遂達晨意欲盡鑷去
此言雖鄙淺故自有深趣持此問法師法師一笑許
刁景純席上和謝生二首
候入仙人碧玉壺一歡那復問親疎杯盤狼藉吾何

敢車騎雍容子甚都此夜新聲聞北里他年故事紀
南徐欲窮風月三千界願化人天百億軀
縱飲誰能問挈壺不知門外曉星疎綺羅勝事齊三
閣賓主談鋒敵兩都榻畔煙花常歎杜海中童州尚
追徐母多酌我公須聽醉後麤狂膽滿軀

留別金山寶覺圓通二長老

沐罷巾冠快晚涼睡餘齒頰帶茶香艤舟北岸何時
渡睇髮東軒未肯忙康濟此身殊有道醫治外物本
無方風流二老長還往顧我歸期尚渺茫

無錫道中賦水車

翻翻聯聯銜尾鴉
犖犖确确蛻骨蛇
分畦翠浪走雲陣
刺水綠鍼抽稻牙
洞庭五月欲飛沙
鼉鳴窟中如打衙
天公不見老翁泣
喚取阿香推雷車

杭州牡丹開時僕猶在常潤周令作詩見寄次其韻復次一首送赴闕

羞歸應為負花期
已是成陰結子時
與物寡情憐我老
遣春無恨賴君詩
玉臺不見朝酣酒
金縷猶歌空折枝
後此年年定相見
欲師老圃問樊遲
莫負黃花九日期
人生窮達可無時
十年且就三都賦
萬戶終輕千首詩
天靜傷鴻猶戢翼
月明驚鶴大

安板君看六月河無水
萬斛龍驤到自遲

蘇州問丘江君二家雨中飲酒二首

小圃陰陰遍灑塵
方塘瀲灩欲生紋
已煩仙袂來行雨
莫遣歌聲便駐雲
肯對綺羅辭白酒
試將文字惱紅裙
今宵記取醒時節
點滴空階獨自聞
五紀歸來鬢未霜
十眉環列坐生光
喚飲松蘿酒近我
女駐馬橋邊問
秦娘曾把四絃娛
白傅敢將百字問
吳王從今却笑風流守
畫戟空凝宴寢香

次韻沈長官三首

家山何在兩忘歸
杯酒相逢慎勿違
不獨飯山羹

瘦也應糠覈怪君肥
男婚已畢女將歸
累盡身輕志莫違
誰道山中食無肉
玉池清水自生肥
造物知吾久念歸
似憐衰病不生違
風來震澤帆初飽
雨入松江水漸肥

戲書吳江三賢畫像三首

誰將射御教吳兒
長笑申公為夏姬
却遣姑蘇有麋齋
更憐夫子得西施

范蠡

浮世功勞食與眠
季鷹真得水中仙
不須更說知機早
直為鱸魚也自賢

張翰

千首文章二頃田
囊中未有一錢看
却因養得能言鴨
驚破王孫金彈丸

陸龜蒙

和劉孝對會席丘時
王規甫齋素祈雨不
至二首

白簡威猶凜
青山興已穠
鶴閑雲作斃
駝卧草埋峰
跪履若可教
卜隣應見容
因公問回老
何處定相逢
太常齋未解
不肯對纖穠
只遣三千履
來遊十二峰
林空苔清唱
渾淨寫哀容
歸去瑤臺路
還應月下逢

過永樂文長老已卒

初驚鶴瘦不可識
旋覺雲歸無處尋
三過門門皆病

死一彈指頃去來今存亡慣見渾無淚鄉井難忘尚
有心欲向錢塘訪圓澤葛洪川畔待秋深

贈張乃二老

兩邦山水未淒涼二老風流摠健強共成一百七十
歲各飲三萬六千場歲暮春鳩裏鶯花鬧仁壽橋
月長惟有詩人被磨折金釵零落不成行

去年秋偶遊寶山上方入一小院閱法無
人有僧隱几低頭讀書與之語漠然不甚
對問其隣之僧曰此
年矣今年六月自常
二復至其室則死

葬數月矣作詩題其壁

雲師來寶山一住十五秋讀書常閉戶客至不舉頭
去年造其室清坐忘百憂我初無言說師亦無對
今來復扣門空房但聽鐘云已滅無餘薪盡火不留
却疑此室中嘗有斯人不所遇孰非夢事過吾何求

聽僧昭素琴

至和無攫躡至平無按抑不知微妙聲究竟何後出
散我不平氣洗我不和心此心知有在尚復此微吟

僧惠勤初罷僧職

軒軒青田鶴鬢鬢在樊籠既為物所縻遂與吾輩同

今來始謝去萬事一笑空新詩如洗出不受外垢蒙
清風入齒牙出語如風松霜髮茁病骨飢坐聽午鍾
非詩能窮人窮者詩乃工此語信不妄吾聞諸醉翁

遊靈隱高峰塔

言遊高峰塔摩食治野裝火雲秋未衰及此初旦涼
霧霏巖谷暗日出草木香嘉我同來人久便雲水鄉
相勸小舉足前路高且長古松攀龍蛇怪石坐牛羊
漸聞鍾磬音飛鳥皆下翔入門空無有雲海浩茫茫
惟見聾道人老病時絕糧問年笑不答但指穴藜牀
心知不復來欲歸更修糧贈別留足布今歲天早霜

八月十七日天竺山送桂花分贈元素

月缺霜濃細葉乾此花元屬桂堂仙鷲峰子落獼前
夜蟾窟枝空記昔年破衲山僧憐耿介練裙溪女闌
清妍願公採擷綉幽佩莫遣孤芳老澗邊

捕蝗至浮雲嶺山行疲苦有懷子由第二首

西來煙陣塞空虛灑遍秋田雨不如新法清平那有
此老身窮苦自招渠無人可訴烏銜肉憶弟難憑犬
寄書自笑迂踈皆此類區區猶欲理蝗餘
霜風漸欲作重陽熠燿溪邊野菊黃久廢山行疲學

確尚能村醉舞淋浪獨眠林下夢魂好回首人間憂
患長殺馬毀車從此遊子來何處問行藏

青牛嶺高絕處有小寺人迹罕到

暮歸走馬沙河塘爐煙裊裊十里香朝行曳杖青牛
嶺崖泉咽咽千山靜君勿笑老僧耳聾喚不聞百年
俱是可憐人明朝且復城中去白雲却在題詩處

新城陳氏園次晁補之韻

荒涼廢圃秋窳歷幽花晚山城已窮僻况與城相遠
我來亦何事徒倚望雲嶽不見苦吟人清樽為誰滿
梅聖俞詩集中有毛長官者今於潛令國

華也聖俞沒十五年而君猶為令捕蝗至
其邑作詩戲之

詩翁憔悴老一官厭見首蒼堆青盤歸來羞澁對妻
子自比鮎魚緣竹竿今君滯留生二毛飽聽衙鼓眠
黃紬更將朝笑調朋友人道狝猴騎土牛願君恰似
高常侍暫為小邑仍刺史不願君為孟浩然却遭明
主放還山官遊逢此歲年惡飛蝗來時半天果羨君
封境稻如雲蝗自識人人不識

與毛令方尉遊西菩寺二首

推擠不去已三年魚鳥依然笑我頑人未放歸江北

路天教看盡浙西山尚書清節衣冠後處士風流水
石間一咲相逢那易得數詩狂語不須刪
路轉山腰足未移水清石瘦便能竒白雲自占東西
嶺明月誰分上下池黑黍黃梁初熟後朱柑綠橘半
甜時人生此樂須天賦莫遣兒曹取次知

聽賢師琴

大絃春溫和且平小絃廉折亮以清平生未識宮與
角但聞牛鳴盎中雉登木門前剝豕誰扣門山僧未
閑君勿瞋歸家且覓千斛水淨洗從來等箇耳

贈寫真何充秀才

君不見路州別駕眼如電左手挂弓橫撚箭又不見
雪中騎驢孟浩然皺眉吟詩肩聳山飢寒富貴兩安
在空有遺像留人間此身常擬同外物浮雲變化無
蹤迹問君何苦寫我真君言好之聊自造黃冠野服
山家容意欲置我山巖中勲名將相今何限往寫褻
公與鄂公

回先生過湖州東林沈氏飲醉以石榴皮
書其家東老庵之壁云西隣已富憂不足
東老雖貧樂有餘白酒釀來因好客黃金
散盡為收書西蜀和仲聞而次其韻三首

東老沈氏之老自謂也湖人因以名之其
子偕作詩有可觀者

世俗何知貧是病神仙可學道之餘但知白酒留佳
客不問黃公覓素書

符離道士晨興際華岳先生尸解餘忽見黃庭丹篆
句猶傳青紙小朱書

淒涼雨露三年後髣髴塵埃數字餘至用榴皮綠底
事中書君豈不中書

李行中秀才醉眠亭

已向關中作地仙更於酒裏得天全從教世路風波

惡賀監偏工水底眠

君且歸休我欲眠人言此語出天然醉中對客眠何
害須信陶潛未苦賢

孝先風味也堪憐肯為周公晝日眠枕麴先生猶笑
汝枉將空腹貯遺編

甘露寺彈箏

多景樓上彈神曲欲斷哀絃再三促江妃出聽霧雨

愁白浪翻空動浮玉金山喚取吾家雙鳳措遺作三

峽孤猿彌與君合奏芳春調豕木飛來霜樹杪

單同年求德興俞氏聚遠樓詩三首

雲山煙水苦難親
野草幽花各自春
賴有高樓能聚
遠一時收拾與閑人
無限青山散不收
雲奔浪卷入簾鉤
直將眼力為疆
界何管人間萬戶侯
聞說樓居似地仙
不知門外有塵寰
幽人隱几疑無
語心在飛鴻滅沒間

平山堂次王居卿祠部韻

高會日陪山簡醉
狂言屢發次公醒
酒如人面天然
口山向吾曹分外清
江上飛雲來北固
檻前脩竹憶
屏六朝興廢餘
丘壑空使英雄笑
寧馨

次韻陳海州書懷

鬱鬱蒼梧海上山

東海後洲山云
自蒼梧海來

蓬萊方丈有無間

舊聞草木皆仙藥
欲棄妻孥守市闌
雅志未成空自
歎故人相對石為顏
酒醒却憶兒童事
長恨雙鳧去

莫攀

陳曾今
鄉邑

次韻陳海州乘槎亭

人事無涯生有涯
逝將歸釣漢江槎
乘樽我欲從安
石遁世誰能識
子嗟日上紅波浮
碧巘潮來白浪卷
青沙清談美景
雙奇絕不覺歸鞍帶月華

次韻孫職方蒼梧山

蒼梧奇事豈虛傳
荒怪還須問子年
遠託鼈頭轉滄海
來依鵬背負青天
或云靈境歸賢者
又恐神功亦偶然
開道新春恣遊覽
羨君平地作飛仙

次韻孫巨源寄連水李盛二著作并以見

寄五絕

南嶽諸劉豈易逢
相望無復馬牛風
山公雖見無多

子社燕何由戀塞鴻
昔與巨源劉貢父劉莘老同遊於山陽自亦契闊雖在滬所者

復相見於京口

高才晚歲終難進
勇退當年正急流
不獨二疎為可

慕他時當有景孫樓
巨源近歸京海郡有景孫樓

漱石先生難可意
謂巨源鬻麩校尉久無用
謂李陵君也應知客

路愁無奈故遺吟
詩調李陵

雲雨休排神女車
忠州老病畏人誇
詩豪正值安仁

在空看河陽滿縣花
盛為邑宰

膠西未到吾能說
桑柘禾麻不見春
不羨京塵騎馬

客羨他淮月弄舟人

王莽

漢家殊未識經綸
入手功名事事新
百尺穿成連夜井
千金購得解飛人

董卓

公業平時勸用儒諸公何事起相圖只言天下無健
者豈信車中有布乎

廂兒

聞老蚌生明珠未省老兔生於菟老兔自謂月中
物不騎快馬騎蟾蜍蟾蜍爬沙不肯行坐令青衫垂
白鬚於菟駭猛不類渠指揮黃熊駕黑羆丹砂紫麝
不用塗眼光百步走妖狐妖狐莫誇智有餘不勞搖
牙咀爾徒

除夜病中贈段屯田

龍鍾三十九勞生已強半歲莫日斜時還為昔人歎

樂天詩云行年三十九歲莫日斜時今年一線在那復堪把玩欲起強

持酒故交雲雨散惟有病相尋空齋為老伴蕭條燈
火冷寒夜何時旦勸僕觸屏風飢鼯嗅空案數朝閉
閣卧霜髮秋蓬亂傳聞使者來策杖就杯盞書來苦
安慰不怪造請緩大夫忠烈後高義金石貴要當擊
權豪未肯覲哀懦此生何所似闇盡灰中炭歸田計
已決此邦聊假館三徑粗成貲一枝有餘煖願君更
信宿庶奉一笑祭

喬太博見和復次韻答之

百年三萬日老病常居半其間近憂樂歌笑雜悲歎

顛倒不自知直為神所玩
須臾便堪笑萬事風雨散
自從識此理久謝少年伴
逝將遊無何豈暇讀城旦
非才更多病二事可并案
愧煩賢使者弭節整紛亂
喬侯瑚璉質清廟嘗薦盥
奮驂百吏走坐變齊俗緩
未遭甘鷓退並進恥魚貫
每聞議論餘凜凜傲貪懦
莫邪當自躍豈復煩爐炭
便應朝秣越未暮刷燕館
胡為守故丘眷戀桑榆煖
為君扣牛角一咏南山祭

二人再和亦再答之

寒雞知將晨飢鶴知夜半亦如老
病客遇節常感歎
光陰等敲石過眼不容玩
親友如擲沙放手還復散

羈孤每自笑寂寞誰肯伴
元達神君晉荀吏喬智
高論森月旦紀明本賢將本及釋之
汨沒事堆案欣然
肯相顧夜閣燈火紅盤空愧不飽
酒薄僅堪盥雍容
許着帽不怪安石緩雖無窈窕人
清唱弄珠貫幸有
從橫舌說劍起慵懦二豪沉下位
暗火埋濕炭豈似
草玄人默默老儒館行看富貴逼
炙手借餘煖應念
苦思歸登樓賦王粲

雪後書北臺壁二首

黃昏猶作雨纖纖夜靜無風勢
轉嚴但覺衾裯如澗
水不知庭院已堆鹽
五更曉色來書幌
半月寒聲落

畫簷試掃北臺看馬耳未隨埋沒有雙尖
城頭初日始驚鴉陌上晴泥已沒車凍合玉樓寒起
寒光搖銀海眩生花遺蝗入地應千尺宿麥連雲有
幾家老病自嗟詩力退空吟冰柱憶劉叉

謝人見和前篇二首

已分酒盃欺淺懦敢將詩律鬪深嚴漁叢句好應須
畫柳絮才高不道鹽敗履尚存東郭指飛花又舞謫
仙簷書生事業真堪笑恐家孤吟筆退尖
九陌淒風戰齒牙銀杯逐馬滯隨車也知不作堅牢
玉無柰能開項刻花得酒強歡愁底事閉門高卧定

誰家臺前日暖君須愛冰下寒魚漸可又

鐵溝行贈喬太博

城東坡壠何所似風吹海濤低復起城中病守無所
為走馬夾尋鐵溝水鐵溝水淺不容靴恰似當年韓
與侯有魚無魚何足道駕言聊復寫我憂荒村野店
亦何有欲發狂言須斗酒山頭落日側金盃倒着接
離搔白首忽憶從軍年少時輕裘細馬百不知臂弓
腰箭南山下追逐長楊射獵兒老去同若兩樵悴犯
夜醉歸人不避今年定起故將軍未肯先誅灞陵尉
出城送客不及步至溪上二首

送客客已去尋花花未開未能城裏去且復水邊來
父老借問我史君安在哉今年好兩雪會見麥千堆
春來六十日笑口幾回開會作堂堂去何妨得得來
勸游行老矣舊隱賦歸哉東望峨眉小廬山翠作堆
却東廬山絕
巖巖眉而小

蘇州姚氏三瑞堂

於文山
以羊酒

君不見董邵南隱居行義孝且慈未公亦恐無人知
故令雞狗相哺兒又令韓老為作詩爾來三百年名
與淮水東南馳此人世不乏此事亦時有楓橋三瑞
皆目見天意宛在虞鰥後惟有此詩非昔人君更往

求無價手

莫笑銀杯小

谷喬大樽

陶潛一縣令獨飲仍獨醒猶將公田二頃五十畝種
秫作酒不種秔我今跡為二千石歲釀百石何以醉
賓客請君莫笑銀杯小爾來歲早東海窄會當排衣
歸故丘作書貸粟監河侯萬斛船中著美酒與君一
生長拍浮

送段屯田分得于字

勸農使者古丈夫不惜春衫或泥塗三事靡盬君甚
劬奉常客卿虬兩頰東武縣今天馬駒泮宮先生非

俗儒相與野飲四子俱樂哉此樂城中無溪邊策杖
自攜壺腰笏不煩何易于膠西病守老且迂空齋愁
坐紛墨朱四十豈不知頭顱畏人不出何其愚

和段屯田荆林館

南山有佳色無人空自奇清詩為題品草木變芬菲
謝女得秀句留待中郎歸便當勤鞭笞僕勅馬亦飢
段有在
女在密

贈上天竺辯才師

南北一山門上下兩天竺中有老法師瘦長如鶴鶴
不知修何行碧眼照山谷見之自清涼洗盡煩惱毒

坐令一都會勇文禮白足我有長頭兒角頰峙犀王
四歲不知行抱負煩背腹師來為摩頂趨走趨奔鹿
乃知戒律中妙用謝羈束何必言法華伴狂啖魚肉

遊廬山次韻章傳道

塵容已似服棘駒野性猶同縱壑魚出入巖巒千仞
表較量筋力十年初雖無窈窕驅前馬還有鷓夷挂
後車莫咲吟詩淡生活當令阿買為君書

廬山五詠

廬山五詠

圖經云教秦傳士
難此山遂得道

上界是官府飛昇亦何益還在此山中相逢不相識

飲酒臺

博士雅好飲空山誰與娛莫向驪山去君王不喜儒

聖燈巖

石室有金丹山神不知祕何必露光芒夜半鶴童稚

三泉

皎皎巖下泉無人還自絮不用此三星清光同一月

障日峰

其狀類蛾眉但小耳

長安自不遠蜀客苦思歸莫教名障日喚作小峨眉

東坡集卷第六

